

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 173 del 24/01/2023**

**Traduzione in ladino**

## **Previjion meteo tel Euregio, la gestion de TINIA la ge vegn data su a la Provinzia autonoma de Trent**

Aproà l schem de cordanza che stabilesc la modalitèdes per meter a jir l projet “TINIA – Boletin meterologich per l Euregio”. L provediment l é stat aproà da la Jonta provinzièla aldò de la proponeta del president Maurizio Fugatti, che l à la medema encèria tel Grop Europeèn de Cooperazion Teritorièla (GECT) del Euregio Tirol-Sudtirol-Trentin.

L projet TINIA, metù a jir del 2019 a una anter la Provinzies autonomes de Trent e Busan dessema col istitut zentrèl de meterologia e geodinamica austriach, vel sporjer su n soul sit web – meteo.report – n servije de previjon del temp sorafora i confins e a una coi trei raions del Euregio.

“L é stat stabili la ativitèdes, la modalitèdes de trasferiment e rendicontazion de la ressorses finanzièles che ge é stat dat su a la Provinzia e la partezipazion di membres del Euregio tel projet. La Provinzia autonoma de Trent la se tol su l coordenament del endrez e, l Servije Prevenzion risesc e zentrèla unica de emergenza, doventarà la strutura enciarièda che cognarà meter a jir chel che l é pervedù te la cordanza”, l à despiegà Fugatti. “La é dassen emportanta ence la colaborazion col projet ALBINIA, l boletin de la levines del Euregio: la colaborazion anter i gropes di doi projec la jirà inant ti egn che vegn, col dèr l met de aer na gestion più percacenta de la ressorses e la perferida de n servije de calità semper più auta”, l à dit avisa amò l president.

L finanziament, per i egn 2019-2022, l fajea referiment al program INTERREG V-A Italia-Austria 2014-2020. Per poder jir inant, TINIA l é stat metù ite tel program de lurier del Euregio di egn che vegn e, co la deliberazion del GECT de setember passà, l é stat enciarià la Provinzia autonoma de Trent de meter en doura l projet, ence en referiment a la gestion, a la manutenzion e al svilup tecnich e scientifich del sit meteo.report. Co la sotscrizion de la cordanza la Provinzia la doventa responsabola de meter en doura TINIA per i cinch egn che vegn 2023-2017 e i cos i vegn corì co la ressorses finanzièles trasferides dal Euregio, per na suma al an valiva a 100 milie euro.

**Traduzion di Servijes Linguistics e Culturèi del Comun general de Fascia**

(cdt)